

夔州府志

上部卷伍

學校志

昔昌黎伯韓文公父子先後鎮蜀皆崇修學校振興教化張俞爲之頌曰維蜀學宮肇於漢初用倡庠學盛於八區八區洋洋絃誦復興周法孔經是繼是承宋炳文章與漢同風五世寢昌乃學之功文武韓侯撫我蜀都教我子弟一歸於儒乃嚴學宮乃崇講堂山岷洞闢巋然靈光儒師學徒翼翼羣居升堂接武講攷詩書所講維何孔門四科若金在礪若圭在磨匪經弗習匪聖弗師羣言淆亂乃聖之疵伊昔魯堂有游有夏蜀學之興

夔州府志

卷十七

學校

一

亦有揚馬韓侯作藩文以化下揚天之聲爛於周雅噫蜀地學校前未有盛於此者也惟我

皇朝文德誕敷遠邁漢唐作學校志

至聖先師廟

周時魯哀公誅孔子曰尼父爲立廟舊宅置卒守焉立廟始此漢高帝十二年過魯以太牢祀孔子詔諸侯王卿相至郡國先謁廟後從政自漢以來祀孔子始此元帝詔太師褒成君霸以所食邑八百戶祀孔子賜霸爵關內侯後裔封侯始此平帝元始元年諡孔子褒成宣尼公稱公始此後漢明帝永平二年詔學校皆祀周公孔子祀學始此十五年幸闕里宅祀仲尼及七十二弟子章帝元和二年祀孔子於闕里作六代之樂和帝封

夔州府志

卷十七

學校

二

褒尊侯安帝延光三年祀孔子於闕里桓靈時詔孔廟置百戶卒史掌禮器春秋享禮出王家錢給大酒直河南尹給牛羊豕各一大司農給米靈帝元光元年置鴻都門學畫先聖及七十二弟子像畫像始此魏文帝黃初中詔起舊廟設卒守齊王正始七年令太常釋奠釋奠始此以太牢祀於辟雍以顏淵配釋奠於太學始此前皆祀於闕里晉武帝太始三年詔太學及魯國四時以三牲祀釋奠於中堂以顏子配七年皇太子親釋奠於太學太子釋奠始此元明成穆皆釋奠宋高祖永初

中詔魯郡修葺墳廟文帝元嘉二十二年太子釋奠採  
晉故事舞六佾設軒懸之樂器用悉依上公釋奠用樂  
始此齊武帝永明三年學士釋奠於先聖先師用元嘉  
故事北魏孝文帝太和十六年親修謁拜禮改諡文聖  
尼父封後人爲崇聖侯拜孔氏四人顏氏二人復給邑  
百戶與周公並饗文成帝詔宣尼之廟別敕有司薦享  
有司行薦享始此北齊天保間制春秋二仲釋奠於先  
聖先師以時修葺祠廟每月朔制祭酒領博士弟子以  
下及國子諸生太學四門博士升堂助教以下太學諸

夔州府志

卷十七

學校

三

生於階下拜孔聖揖顏回朔日行禮始此梁元帝承聖  
初於荊州建宣聖廟自圖聖像爲之贊書之南北五代  
崇祀不廢隋文帝開皇初贈孔子爲先師尼父周公爲  
先聖南面孔子東面制國學州縣學春秋仲月上丁釋  
奠州縣春秋仲月釋奠始此唐高祖武德二年詔國學  
分立周公孔子廟周孔各廟始此太宗貞觀二年別祠  
周公尊孔子爲先聖顏子爲先師配焉四年詔州縣立  
廟四時致祭以左邱明等二十二人配徧祠天下郡邑  
學以先儒配始此二十年詔皇太子釋奠於先聖先師

遣官釋奠州縣守令主祭始此高宗顯慶二年仍尊孔子爲先聖顏回爲先師乾封元年贈孔子太師總章元年贈顏子少師曾子少保弟子追贈以曾子配俱始此元宗開元七年詔春秋釋奠用牲牢屬縣川酒醑八年詔顏子十哲像俱侍坐從祀曾參像侍坐十哲之次圖七十子及二十二賢於廟壁十三年封禪還幸孔子宅親奠以太牢祀墓置卒守復孔氏賦役令天下州縣立廟賜百戶充春秋享奠二十七年追諡孔子文宣王服袞冕樂用宮懸舞用八佾贈十哲公侯爵曾子以下六

夔州府志

卷十七

學校

四

十七子爵皆伯夫子追王始此德宗貞元二年釋奠詔自宰臣以下畢集祝版自署名畢各北面肅拜後周高祖廣順二年奠闕里廟謁墓宋太祖建隆三年詔文廟門立戟十六親撰文宣王兗公二贊從祀賢哲命當時文人爲之太平興國中特免孔氏子孫庸調詔孔宣襲封文宣公眞宗咸平三年追諡元聖文宣王大中祥符二年詔太常禮院定州縣釋奠禮器數先聖先師每座酒罇二籩八豆八簋二簠二俎三壘一洗一筐一罇皆加勺鬯各置於坩巾共二燭一爵共四坩共二從祀諸

座籩二豆一簋一簠一俎一燭一爵一五年詔改諡至聖文宣王執桓圭冕九旒服九章天禧元年詔釋奠儀注及祭器圖令崇文館雕印頒行下諸路仁宗景祐元年詔釋奠用登歌至和二年詔封孔子後爲衍聖公衍聖之稱始此神宗熙寧八年制文宣王冕十二旒兗國公顏子等皆依本朝郡國封爵品服徽宗崇寧元年詔追封孔鯉爲泗水侯孔伋爲沂水侯大觀二年詔躋子思從祀四年詔文宣王執鎮圭並如王者之制廟門增戟二十四金章宗明昌二年孔子廟門置下馬牌元世

夔州府志

卷十七

學校

五

祖至元十年詔春秋二丁釋奠執事官員各公服如共品陪位諸儒襴帶唐巾行禮丁祭執事諸儒變常服始此成宗大德元年敕各官涖任先詣先聖廟拜謁方許以次詣神廟十一年七月武宗追封孔子爲大成至聖文宣王祀以太牢文宗至順元年稱顏子復聖曾子宗聖子思述聖孟子亞聖明太祖洪武二年詔文廟附祀鄉賢名宦四年定祭置高案籩豆簋簠登鉶悉用磁牲用熟樂用六奏十四年文廟成遣官以太牢祀詔神主不設像上遂視學頒釋奠儀二十四年敕每月朔望太

學祭酒以下行釋菜禮郡縣學長吏以下詣學行香二十六年頒大成樂器於郡州縣學成祖永樂四年視學服皮弁行一奠四拜禮釋奠四拜始此八年正文廟繪像聖賢衣冠令合古制十二年釋奠增十二籩豆憲宗成化二年增樂舞爲八佾世宗嘉靖九年釐正祀典改稱至聖先師孔子四配稱復聖顏子宗聖曾子述聖子思子亞聖孟子十哲以下皆稱先賢左邱明以下稱先儒去塑像設木主罷封爵改大成殿爲先師廟門爲廟門祭用籩豆十舞佾六六郡邑學籩豆殺其二舞止六

夔州府志

卷十七

學校

六

國朝

世祖章皇帝順治二年定諡大成至聖文宣先師孔子十四年改諡至聖先師孔子通行直省各學

康熙二十三年

御題萬世師表匾額頒立文廟

聖祖仁皇帝康熙三十五年

御製孔子贊顏曾思孟四子贊發直省立碑

孔子贊

并序碑置大成殿大學士張玉書奉敕書

蓋自三才建而天地不居其功一中傳而聖人代宣其蘊有

行道之聖得位以綏猷有明道之聖立言以垂憲此正學所以常明而人心所以不泯也粵稽往緒仰遡前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術終淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

夔州府志

卷十七

學校

七

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道不終晦秩然大經百家紛紜殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根本天性庶幾夙夜勗哉令圖遡源洙泗景躅唐虞載歷廷除視觀禮器摛毫仰贊心焉遐企百世而上以聖爲歸百世而下以聖爲師非師夫子爲師於道統天御世惟道爲



寶泰山巖巖東海泱泱牆高萬仞夫子之堂孰窺其藩孰窺其徑道不遠人克念作聖

顏子贊

碑置大成殿大學士張玉書奉  
敕書

聖道早聞天資獨粹約禮博文不遷不貳一善服膺萬德來萃能化而齊其樂一致禮樂四代治法兼備用舍行藏王佐之器

曾子贊

碑置大成殿大學士張玉書奉  
敕書

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂成統緒修明

## 夔州府志

### 卷十七

學校

八

訓辭

子思子贊

碑置大成殿大學士張玉書奉  
敕書

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子贊

碑置大成殿大學士張玉書奉  
敕書

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並重六藝孔學攸傳禹功作配五十五年

升朱子於十哲之次雍正三年

詔郡縣春秋仲月祭增用太牢乾隆三年

升有若於十哲移朱子於西哲末

至聖先師孔子神位居中正南面

世宗憲皇帝御書生民未有匾額頒立文廟

高宗純皇帝御書與天地參匾額頒立文廟

仁宗睿皇帝御書聖集大成匾額頒立文廟

道光元年

御書聖協時中匾額頒立文廟

夔州府志

卷十七

學校

九

兩廡

後漢明帝永平十五年東巡祀仲尼七十二弟子靈帝

光和元年置鴻都門學畫先聖及七十二弟子像魏齊

王正始七年祀孔子於辟雍以顏淵配此弟子配祀之

始北魏孝文太和間拜顏氏二人官官弟子後裔始此

唐太宗貞觀二十一年詔以左邱明卜子夏公羊高穀

梁赤伏勝高堂生戴聖毛萇孔安國劉向鄭衆杜子春

馬融盧植鄭元服虔何休王肅王弼杜預范甯賈逵二

十二人配享尼父廟堂高宗永徽中贈孔子太師顏子

少師曾子少師弟子追贈并曾子配享俱始此元宗開  
元八年圖畫七十二弟子及二十二賢於廟壁令當朝  
文士分爲之贊

二十七年詔追贈顏子兗國公閔子騫費侯冉伯牛鄆  
侯冉仲弓薄侯宰子我齊侯端木子貢黎侯冉子有徐  
侯仲子路衛侯言子游吳侯卜子夏魏侯曾參郈伯顓  
孫師陳伯澹臺滅明江伯慮子賤單伯原憲原伯公冶  
長莒伯南宮子容郟伯公皙哀郈伯曾點宿伯顏路杞  
伯商瞿蒙伯高柴共伯漆雕開滕伯公伯寮任伯司馬

夔州府志

卷十七

學校

十

牛向伯樊遲凡伯有若卞伯公西赤郈伯巫馬期鄆伯  
梁鱸梁伯顏柳蕭伯冉孺紀伯曹卹曹伯伯虔聊伯公  
孫龍黃伯冉季東平伯秦子南少梁伯漆雕子斂武城  
伯顏子驕瑯琊伯漆雕徒父須句伯壤駟赤北徵伯商  
澤睢陽伯石作蜀石邑伯任不齊任城伯公夏守亢父  
伯公良孺東牟伯后處營邱伯秦子開彭衙伯奚容蒧  
下邳伯公肩定新田伯顏襄臨沂伯鄒單銅鞮伯句井  
疆淇陽伯罕父黑乘邱伯秦商上洛伯申黨邵陵伯公  
祖句茲期思伯榮子期雩婁伯縣成鉅野伯左人郢臨

淄伯燕伋漁陽伯鄭子徒滎陽伯顏之僕東武伯原亢  
萊蕪伯樂欬昌平伯廉潔莒父伯顏何開陽伯叔仲會  
瑕邱伯狄黑臨濟伯邽異平陸伯孔忠汶陽伯公西輿  
如重邱伯公西蒧祝阿伯蘧瑗衛伯施常乘氏伯林放  
清河伯秦非汧陽伯陳亢穎伯申棖魯伯琴牢南陵伯  
顏噲朱虛伯步叔乘淳于伯琴張南陵伯命所司奠祭  
如釋奠之儀贈五等爵始此

後唐長興三年敕文宣王廟四壁諸賢每釋奠各陳脯  
醢諸物以祭

夔州府志

卷十七

學校

十一

宋初畫七十二賢及先儒二十二人像於東西廊之板  
壁命當時文臣爲之贊釋奠之禮如舊真宗咸平三年  
詔追封兗公顏回兗國公費侯閔損瑯琊公鄆侯冉耕  
東平公薄侯冉雍下邳公齊侯宰予臨淄公黎侯端木  
賜黎陽公徐侯冉求彭城公衛侯仲由河內公呉侯言  
偃丹陽公魏侯卜商河東公邴伯曾參瑕邱侯陳伯顓  
孫師宛邱侯江伯澹臺滅明金鄉侯單伯慮不齊單父  
侯原伯原憲任城侯莒伯公冶長高密侯郟伯南宮縚  
龔邱侯邾伯皙哀北海侯宿伯曾點萊蕪侯杞伯顏無

繇曲阜侯蒙伯商瞿須昌侯共伯高柴共城侯滕伯漆  
雕開平輿侯任伯公伯寮壽張侯向伯司馬犂楚邱侯  
凡伯樊遲益都侯郃伯公西赤鉅野侯卞伯有若平陰  
侯鄆伯巫馬期東阿侯潁伯陳亢南頓侯梁伯梁鱸千  
乘侯蕭伯顏辛陽穀侯紀伯冉孺臨沂侯東平伯冉季  
諸城侯聊伯伯虔沭陽侯黃伯公孫龍枝江侯彭衙伯  
秦冉新息侯少梁伯秦商鄆城侯武城伯漆雕哆濮陽  
侯瑯琊伯顏驕雷澤侯須句伯漆雕徒父高苑侯北徵  
伯壤駟赤上邽侯清河伯林放長山侯睢陽伯商澤鄒

夔州府志

卷十七

學校

十二

平侯石邑伯石作蜀成紀侯任城伯任不齊當陽侯魯  
伯申棖文登侯東牟伯公良孺牟平侯曹伯曹卹上蔡  
侯下邳伯奚容蒧濟陽侯淇陽伯句井疆滏陽侯邵陵  
伯申黨淄川侯期思伯公祖句茲即墨侯雩婁伯滎期  
厭次侯鉅野伯縣成城武侯臨淄伯左人郢南華侯漁  
陽伯燕伋汧源侯滎陽伯鄭國胸山侯汧陽伯秦非華  
亭侯乘氏伯施之常臨濮侯朱虛伯顏噲濟陰侯淳于  
伯步叔乘博昌侯東武伯顏之僕冤句侯衛伯蘧瑗內  
黃侯瑕邱伯叔仲會博平侯開陽伯顏何堂邑侯臨濟

伯狄黑林慮侯平陸伯邽巽高堂侯汶陽伯孔忠鄆城  
侯重邱伯公西輿如臨昫侯祝阿伯公西藏徐城侯南  
陵伯琴張頓邱侯又詔封配饗先魯史左邱明瑕邱伯  
齊人公羊高臨淄伯魯人穀梁赤龔邱伯秦博士伏勝  
乘氏伯漢博士高堂生萊蕪伯九江太守戴聖楚邱伯  
河閒博士毛萇樂壽伯臨淮太守孔安國曲阜伯中壘  
校尉劉向彭城伯後漢大司農鄭衆中牟伯河南杜子  
春緱氏伯南郡太守馬融扶風伯北中郎將盧植良鄉  
伯大司農鄭康成高密伯九江太守服虔滎陽伯侍中

夔州府志

卷十七

學校

十三

賈逵岐陽伯諫議大夫何休任城伯魏衛將軍太常蘭  
陵亭侯王肅贈司空尙書郎王弼封偃師伯晉鎮南大  
將軍開府儀同三司當陽侯杜預贈司徒豫章太守范  
甯封鉅野伯命三司使兩制待制館閣官作贊神宗熙  
寧八年令七十二賢二十二先儒皆依本朝郡國縣公  
侯伯爵品冠服元豐六年詔封孟子鄒國公配享孟子  
配享始此七年詔鄒國公顏子配食宣聖封荀况蘭  
陵伯楊雄成都伯韓愈昌黎伯並崇祀於左邱明等二  
十二賢之閒頒行天下學校塑像春秋釋奠行禮

徽宗大觀二年封孔鯉泗水侯伋泝水侯詔躋子思從祀崇寧四年詔公夏首封鉅平侯后處膠東侯公肩定梁父侯顏祖富陽侯鄒單聊城侯罕父黑祁鄉侯秦商馮翊侯原抗樂平侯樂欬建城侯廉潔胙城侯從祀從議禮局言史記皆有其名唐開元禮亦載祀典政和元年詔孔子弟子所封侯爵與宣聖名同改封瑕邱侯曾參武城侯宛邱侯顓孫師潁川侯龔邱侯南宮縚汶陽侯楚邱侯司馬耕雒陽侯頓邱侯琴張陽平侯瑕邱伯左邱明中都伯龔邱伯穀梁赤雒陵伯楚邱伯戴聖考

夔州府志

卷十七

學校

十四

城伯五年詔兗州鄒學孟子以樂正子配享公孫丑以下從祀封樂正子克利國侯公孫丑壽光伯萬章博興伯浩不害東河伯孟仲子新泰伯陳臻蓬萊伯充虞昌樂伯屋廬連奉符伯徐辟仙源伯陳代泝水伯彭更雷澤伯公都子平陰伯咸邱蒙須城伯高子泗水伯桃應膠水伯盆城括萊陽伯季孫豐城伯子叔永陽伯理宗淳祐元年以周敦頤張載程顥程頤朱熹從祀景定二年張栻呂祖謙從祀度宗咸淳三年以顏淵曾參孔伋孟軻配享進顓孫師於十哲邵雍司馬光從祀元仁宗

皇慶三年以許衡從祀文宗至順元年以董仲舒從祀  
明太祖洪武二十九年黜揚雄從祀英宗正統二年以  
宋胡安國蔡沈真德秀從祀八年以元吳澄從祀孝宗  
宏治八年以宋楊時從祀世宗嘉靖九年詔聖門弟子  
皆稱先賢左邱明以下皆稱先儒撤塑像易木主  
樂舞仍用六佾樂章中稱王者並易爲師從祀申黨及  
申枏去黨存枏公伯寮秦冉顏何荀况戴聖劉向賈逵  
馬融何休王肅王弼杜預吳澄俱罷祀遽瑗林放盧植  
鄭衆鄭康成服虔范甯俱各祀于其鄉以后蒼王通胡

夔州府志

卷十七

學校

十五

瑗歐陽修陸九淵從祀穆宗隆慶五年以薛瑄從祀神  
宗萬歷十二年以王守仁陳獻章胡居仁從祀四十二  
年以羅從彥李侗從祀

國朝

聖祖仁皇帝康熙五十三年升周敦頤張載程顥程頤朱熹邵  
雍爲先賢 又以范仲淹從祀

世宗憲皇帝雍正二年復以遽瑗林放秦冉顏何鄭康成范甯  
從祀增縣廩牧皮樂正克公都子萬章公孫丑諸葛亮  
尹焞魏了翁黃幹陳淳何基王柏趙復金履祥許謙陳



濬羅欽順蔡清陸隴其從祀東廡首遽瑗西廡首林放  
列敘先賢先儒共一百二十三人位次

高宗純皇帝乾隆三年升有子入殿次卜子下移朱子於顓孫  
子下復以吳澄從祀兩廡六年

欽頒定先賢先儒從祀位次

東廡從祀六十五人

先賢遽子瑗

字伯玉衛人唐開元二十七年從祀明嘉靖九年以孔子嚴敬非弟子改祀于其鄉

國朝雍正二年禮臣議曰遽瑗汲汲於兩廡亦禮之所安應孔子大聖食於堂上瑗大賢坐於兩廡亦禮之所安應請復祀從之

夔州府志

卷十七

學校

十六

先賢澹臺子滅明

字子羽魯武城人

先賢原子憲

檀弓稱仲憲字子思魯久為夫子宰

先賢南宮子适

字子容魯人家語禮記作南宮縚

附見南宮闕一作說即仲孫說也諡敬叔孟僖子與南師事孔子闕一里志按史記家語南宮适一名縚子與南宮敬叔應是兩人論語註合而為一讀史定疑辨其為

先賢商子瞿

字子木魯人

先賢漆雕子開

家人語字尚書若一作憑字子開蔡人鄭元曰

先賢司馬子耕

字伯牛宋人家語作司馬犁耕

先賢梁子鱣

字子魚史記註作鯉字叔魚齊人

先賢冉子孺

字子魯家語作冉孺字子魚魯人

先賢伯子虔

子家語字楷一作子析弟子解作子楷史記作

先賢冉子季

字子產一字子達魯人

先賢漆雕子徒父

字子期友魯人家語作漆雕從字子文一

先賢漆雕子哆

字子斂家語作漆雕侈魯人

先賢公西子赤

字子華魯人

先賢任子不齊

字子選楚人

先賢公良子孺

家語名儒史記名孺字子正一作子幼陳

先賢公肩子定

或家語曰晉字子或曰史記作公堅定字子中魯人

夔州府志

卷十七

學校

十七

先賢鄒子單

史記象無鄒單字子家人無徐廣作鄒善魯人

先賢罕父子黑

史記黑魯人按氏族畧有宰父黑字素一字子

先賢榮子旂

史記字子旗家語作榮祁魯人

先賢左人子郢

史記志左人以官為姓左郢字子行魯人按通

先賢鄭子國

高祖語作薛邦為國鄭一字疑薛字之誤史記避漢

先賢原子亢

籍字魯人亢家語作原亢字子籍史記作原亢字

先賢廉子潔

史記齊字庸家語字子庸一作子曹衛人古史

先賢叔仲子會

字子期文翁圖作噲家語魯人鄭元云晉

先賢公西子輿如

字子上史記作公西輿魯人

先賢邾子異家語作邾選字餘史記訛邾魯人字子歛

先賢陳子亢家語字子亢一字子禽陳人

先賢琴子牢家語琴牢字子開文翁圖一字子張衛人

先賢步叔子乘字子車齊人

先賢秦子非字子之魯人

先賢顏子噲字子聲魯人

先賢顏子何字子冉古本家語字冉魯人明嘉靖九年以家語不冉載罷祀

國朝雍正二年禮臣議曰按史記仲尼弟子列八傳載人顏何字冉北齊顏之推家訓云孔門升堂顏氏居八宋顏高字贊亦稱八賢何居其一去何止七應請復祀從之

夔州府志

卷十七

學校

十八

先賢縣子亶孔亶子索隱子見豐字韻子注此唐人宋封爵未及也

國朝雍正二年禮臣議曰史記但有疑與鄒單名而家語無之因以單亶同音定為一人乃祀鄒單去縣亶當時原無確據今請復祀從之

先賢樂正子克周人孟子弟子

國朝雍正二年禮臣議曰孟子稱樂正子羔之善人為信人又曰其為人也好善方之聖門當在子羔之進從祀又

先賢萬子章齊人

國朝雍正二年禮臣議曰史記稱孟從祀所如不合退而與萬章之徒序詩書述仲尼之意進從祀

先賢周子敦頤稱字茂叔世居湖廣道州營道濂溪學祐

國朝康熙五十年南伯從祀先賢順二年加贈道國公至

先賢程子顥字伯淳先生嘉定河南洛陽人諡曰純博題其墓曰贈明

國朝河南伯從祀元至順二年加贈豫國公

先賢邵子雍字堯夫宋河南人元祐中賜諡康節咸淳三

國朝康熙五十三年改稱先賢

先儒公羊氏高靖齊九人改稱先唐貞觀二十一年從祀明嘉

先儒伏氏勝字子賤濟南人從祀秦漢間習書泰焚書時獨

先儒董氏仲舒廣明川洪武二十九年贈江都伯成化順三年從

改廣川伯

先儒后氏蒼字近古禮以蒼海郊人修之明禮經明嘉靖九年

# 夔州府志

## 卷十七

學校

## 十九

先儒杜氏子春河南緱氏人生漢哀平間唐時從祀

先儒諸葛氏亮建興三年漢封武侯諡先世瑯琊陽都人

國朝雍正二年禮大臣議曰亮出處非他人所及進從祀乎天理

先儒王氏通字仲淹隋龍門人嘗教授河汾其弟子私

先儒陸氏贄字敬輿唐嘉興人諡曰宣

國朝道光六年禮臣議曰贄明體達用學術精粹道與伊傅

先儒范氏仲淹字希文宋吳縣人封汝南公諡文正

國朝康熙五十三年從祀

先儒歐陽氏修字永叔宋廬陵人諡文忠明嘉靖九年從

先儒楊氏時字中九年立將宋樂伯樂從人學者稱龜山先生明宏治

先儒羅氏從彥字仲質明素萬歷四州十二年學者稱豫章先生諡

先儒李氏侗字愿中宋延平人朱子諡文靖元洛贈之越國公述

明萬歷四十二年從祀

先儒呂氏祖謙字伯恭其先萊人遷嘉熙州墓年改諡忠亮

景定二年贈開封伯從祀

先儒蔡氏沈字仲默宋建陽人隱居九正成化三號九年贈崇先

安伯

先儒陳氏淳字安鄉號北溪宋漳州龍溪人

# 夔州府志

## 卷十七

學校

二十

國朝雍正二年禮臣議曰陳淳所著語孟大示學中庸日的義朱

子語人以南來吾道喜得陳淳進從祀

先儒魏氏了翁字華甫宋邛州蒲江人諡文靖

國朝能以所聞於李燔輔曰廣者教授生徒正學賴以鼓不墜時所

著九經要義周禮井田圖說等書於聖道大有發明先

先儒王氏柏字會之號魯齋宋金華人諡文憲

國朝雍正二年禮臣議曰王柏何八卦子書九疇之校四書通

正義詩經春秋大讀中庸等語所著有讀洛易精義論象孟

子通旨等數十種百餘萬言皆闡發濂洛精義淵源道

德進從祀

先儒趙氏復 字仁甫元德安人

國朝雍正二年禮臣議曰趙復元初名儒所著傳道復始洛  
發揮希賢錄等書北方知有程朱之儒學實自趙道復圖進  
從祀

先儒許氏謙 字益之號白雲金華人

國朝雍正二年禮臣議曰許謙金履祥弟子讀書窮探深微  
著有四書叢說詩名物鈔書傳叢說自省編扶翼經義  
網維世教世稱白雲先生以為朱子世嫡云進從祀

先儒吳氏澄 字幼清號五經四子各有明詮註而宋事元黜今

國朝及矯輕警惰等篇於紫陽書實多發明  
乾隆二年從尙書甘汝來請復祀

先儒胡氏居仁 字叔敬齋先生餘十萬人著二年業錄以敬名齋人

### 夔州府志

### 卷十七

學校

一一一

先儒王氏守仁 新建餘伯謚人文成萬歷十二年從祀明先生封

先儒羅氏欽順 字允升號整菴明泰和人謚文莊

國朝雍正二年禮臣議曰羅欽順為司業以實行之士翕然潛心  
格物致知之學王守仁以心學立教才智之士翕然潛心  
之欽順致書之往復再三著困知記周程微言至今  
不墜者欽順之力也

先儒黃氏道周 諡忠端福建漳浦人道光五年奉

旨准其從祀

先儒湯氏斌 諡文正河南睢州人道光三年奉

旨准其從祀

西廡從祀六十二人

先賢林子放 字子邱魯人

先賢慮子不齊 字子賤魯人爲單父宰

先賢公冶子長 字子長家語作萇魯人史記齊人范甯云

先賢公皙子哀 史記季沈齊人索隱作公皙克一作皙哀家

先賢高子柴 字子羔一作臯家語齊人史記衛人仕衛爲

先賢樊子須 字子遲家語魯人鄭元云齊人仕于季氏

先賢商子澤 家語字子秀史記作子季魯人

先賢巫馬子施 字子期陳人史記作子旗爲單父宰

先賢顏子辛 字子柳魯人史記作顏辛

# 夔州府志

## 卷十七

學校

一一一

先賢曹子邴 字子循蔡人

先賢公孫子龍 字子石公孫寵衛人鄭元云楚人孟云趙

先賢秦子商 字不茲家語作不慈史記四年贈馮翊人鄭元

里志誤以秦祖郟城之封移之商非也

先賢顏子高 字子驕家語作顏刻魯人

先賢壤駟子赤 字駟氏複姓穰駟赤字子從秦人通志畧

先賢石作子蜀 字複子明家語作石子蜀秦之成紀人按石

先賢公夏子首 字子乘家語公夏守字乘魯人

先賢后 今本家語字堅之  
子處 史記字子里齊人家語字堅之

先賢奚容子蒧衛人語氏子大全奚仲之哲後文翁圖魯人正義

先賢顏子祖按昔者曾子謂子又名祖或子語顏子亦未可

定

先賢句井子疆里志子疆子野山作句井正子義孟作勾井衛人闕

先賢秦子祖字子南魯人鄭元云秦人

先賢縣子成字子祺家語字子橫魯人

先賢公祖子句茲家語作公祖茲字子之魯人

先賢燕子伋字思家語作級字子思秦人

先賢樂子欬字子聲家語樂欣魯人

夔州府志

卷十七

學校

一一三

先賢狄子黑家語字皙之一作子皙史記字皙衛人

先賢孔子忠字子蔑家語作孔弗史記作孔子兄孟皮之

先賢公西子蒧史記字子上家語字子尙魯人

先賢顏子之僕家語字子叔史記字叔魯人

先賢施子之常史記字子恆家語字子常魯人

先賢申子枏史記作申黨字周文翁圖作申堂後漢碑作

周魯人疑本一人而傳寫之誤也

先賢左邱子明中都人授經圖曰魯人楚左史倚相之後

先賢秦子冉字開魯人唐開元中從祀明嘉靖九年以家



國朝雍正二年禮臣議曰按史有記仲尼弟子列傳載秦冉字開既著其姓復標其字必有其人應請復祀從之

先賢牧子皮力牧之後

國朝雍正二年禮臣議曰牧皮也進於孟子趙岐注云牧皮與琴張曾皙皆事孔子弟子宋贈平陰伯

先賢公都子齊人孟子弟子宋贈平陰伯

國朝雍正二年禮臣議曰公都子精研性善之旨力闢義外之說進從祀

先賢公孫子丑齊人孟子弟子

國朝雍正二年禮臣議曰趙岐云孟子道既殳其徒萬章公孫丑相與記其所言有功於孔孟之道進從祀

先賢張子載字子厚居郟縣之橫渠稱橫渠先生嘉定十年賜厚居曰明淳祐元年贈郟伯從祀嘉定十年

國朝康熙五十三年改稱先賢

# 夔州府志

## 卷十七

學校

二四

先賢程子頤字正叔稱伊川先生嘉定元年至三年賜諡曰贈淳祐元年

國朝康熙五十三年改稱先賢

先賢穀梁氏赤尸子作俶顏師古作喜字元始魯人生周未唐時從祀

先儒高堂生索隱字伯魯人生漢初唐時從祀

先儒孔氏安國字子國夫子十一世孫生漢武帝時唐時從祀

先儒毛氏萇趙人善說詩世謂毛亨為大毛公萇為小毛公趙生漢武帝時唐時

先儒鄭氏元字康成東漢北海高密人唐貞觀中從祀明嘉靖中以學未顯著改祀

國朝雍正二年禮臣議曰鄭康成及七所注周易尚書詩禮記論語孝經尚書大傳及六藝論魯禘禘詩禮

尼譜之周門不難過百餘萬言括囊退一典衷於羅道朱家漢有以謂大

儒之稱復從祀

先儒范氏甯

字武靖子中以鄢陵人南昌太守唐貞觀中從祀

國朝雍正二年禮臣議曰范甯著春秋晉世梁集浮虛詞意精獨審

甯史稱晉代崇學敦教未有甯者秋晉世以浮虛相扇獨審

之甯教賴以不墜實崇論一篇所發仁義梁傳至今孔洙泗

先儒韓氏愈

字退之唐南陽人諡曰文宋元豐七年從祀

先儒胡氏瑗

字翼之宋海陵人為湖州教授又嘉靖為九年

從祀

先儒司馬氏光

字正君咸淳宋夏縣人鄉人封溫國公諡曰

# 夔州府志

## 卷十七

學校

二五

先儒尹氏焯

字彥明一字德充宋洛人賜和靖處士

國朝雍正二年禮臣議曰尹焯程伊川弟子君子窮而質直宏

毅實體力行若焯者鮮進從祀

先儒胡氏安國

字化成侯三年崇安人諡文定明正統元年從

先儒張氏栻

字敬夫景定二年人號南軒先生嘉泰八年賜

先儒陸氏九淵

字子静宋金谿人學者稱象山先生諡文

先儒黃氏幹

字直卿號勉齋宋福州閩縣人諡文肅

國朝雍正二年禮臣議曰濂洛關閩而後之託斯道之統無憾

矣後金華四子遞衍其傳正學賴以不絕進從祀

先儒真氏德秀字景元宋浦城人寶元進士累官戶部統

元年從祀成化三年贈浦城伯

先儒何氏基字子恭宋金華人諡文定

國朝雍正二年禮臣議曰何基黃幹弟子得淵源以發揮前著  
解釋大學中庸書大易啟蒙通書近思錄皆之發  
人之意其學本於實心所謂謹之又謹也進從祀

先儒陳氏澹字可大宋江西南康人

國朝雍正二年禮臣議曰陳澹學生於宋季不求聞達明洪武好  
古潛心禮經著禮記集註學者稱爲雲住先生  
時列其書於學官至今三百餘年士子皆遵奉之進崇  
祀

先儒金氏履祥字吉父號仁山元蘭谿人至正中賜諡文

夔州府志 卷十七 學校 二六

國朝雍正二年禮臣議曰履祥何基弟子所著有大學章句  
疏義論語孟子集註考証書表註多先儒未發之學義進

崇祀

先儒許氏衡字大平仲元封河內人公皇慶二年齋先生諡文正

先儒薛氏瑄字德温明河津人學慶五年從軒先生諡文清

先儒陳氏獻章字公甫明新會人隱白沙學者稱白沙先

先儒蔡氏清字介夫號虛齋明晉江人萬歷中賜諡文莊

國朝雍正二年禮臣議曰清之學以靜虛爲主飭躬砥行不  
愧衮影所著易經四書蒙引盛行於時進從祀

先儒劉氏宗周諡忠介浙江山陰人道光二年奉

旨准其從祀

先儒陸氏隴其

字稼書平湖人

國朝雍正二年禮臣議曰陸隴其精研方孝友笑言兩不苟所

昭代著諸書能發前人所未發洵稱

大清會典

皇帝御經筵致祭

傳心殿內

皇師伏羲氏正位南向

皇師神農氏

皇師軒轅氏

夔州府志

卷十七

學校

二七

帝師陶唐氏

帝師有虞氏

王師夏王禹

王師商王湯

王師周文王

王師周武王左右分序均南向

先聖周公東位西向

先聖孔子西位東向歲以春秋仲月

皇帝御經筵之日遣官一人祇告如

特行崇典則

皇帝親詣行二跪六拜禮畢詣

文華殿

御經筵進講

太學釋奠禮歲以春秋仲月上丁遣官將事如

特行崇典則

皇帝親詣行三獻二跪六拜禮王公百官分獻

崇聖祠四配十二哲兩廡

皇帝臨辟雍講學

夔州府志

卷十七

學校

二一八

親釋奠於

先師行二跪六拜禮百官分獻畢

皇帝詣彝倫堂講書

月朔釋菜月望上香國子監祭酒司業正獻監丞博士

助教學正學錄分獻均行三跪九叩禮肄業諸生執事

殿試傳臚後諸進士誦吉詣國學釋褐乃釋菜於

先師第一甲一名進士正獻二名三名進士兩序分獻二甲

一名三甲一名進士兩廡分獻執事以國子監肄業生

行一獻禮

崇聖祠

宋眞宗大中祥符元年束封幸叔梁紇堂詔封叔梁紇齊國公顏氏魯國太夫人亓官氏鄆國夫人遣都官員外郎王勵祭告仁宗慶歷八年詔聖父齊國公像易以九章之服立廟聖殿後元文宗至順元年加封聖父爲啟聖王聖母爲啟聖王夫人明世宗嘉靖九年詔加啟聖公封爵令天下學宮皆建啟聖祠祀叔梁父以先賢顏無繇曾點孔鯉孟孫激配享以先儒程珦朱松蔡元定從祀神宗萬歷二十三年以周輔成從祀啟聖祠

夔州府志

卷十七

學校

二一九

國朝雍正元年

諭內閣禮部追封

孔子先世五代

至聖先師孔子道冠古今德參天地樹百王之模範立萬世之宗師其爲功于天下者至矣而水源木本積厚流光有開必先克昌厥後則

聖人之祖考宜膺崇厚之褒封所以追溯前徽不忘所自也  
粵稽舊制

孔子之父叔梁公於宋眞宗時追封啟聖公自宋以後歷代

遵循而叔梁公以上則向來未加封號亦未奉祀祠庭朕仰體

皇考崇儒重道之盛心敬修崇德報功之典禮意欲追封五代並享烝嘗用伸景仰之誠庶慰羹牆之慕內閣禮部可會確議具奏四月禮臣議奏

孔子先世五代應俱封公爵奉

上諭五倫爲百行之本天地君親師人所宜重而天地君親之義又賴師教以明自古師道無過於孔子誠首出之盛者我也

夔州府志

卷十七

學校

三十

皇考崇儒重道超軼千古凡尊崇

孔子典禮無不備至朕蒙

皇考教育自幼讀書心切景仰欲再加尊崇更無可增之處故敕部追封

孔子先世五代今部議封公上考歷代帝王皆有尊崇之典唐明皇封

孔子爲文宣王宋眞宗加封至聖文宣王封

聖父叔梁紇爲齊國公元加封

孔子爲大成至聖文宣王加封齊國公爲啟聖王至明嘉靖

時猶以王係臣爵改稱爲

至聖先師孔子改啟聖王爲啟聖公王公雖俱屬尊稱朕意以爲王爵較尊

孔子五世應否封王之處著諸大臣具奏遵

旨議定自叔梁公以上至木金父公凡五代並追封爲王爵

木金父爲肇聖王

祈父爲裕聖王

防叔爲詒聖王

伯夏爲昌聖王

### 夔州府志

### 卷十七

學校

三三一

叔梁紇爲啟聖王啟聖祠更名

崇聖祠春秋祭典照 啟聖王例陳設各直省府州縣衛學

一體遵行 二年增張迪從祀

#### 東配

先賢顏氏 名無從祀 繇字路家語元繇字季路唐開元二十七年

先賢孔氏 名鯉字伯魚 宋咸淳三年從祀明嘉靖元年

#### 西配

先賢曾氏 名點字皙 家語曾點字皙唐開元二十七年

先賢孟氏 名激字公明 魯公族孟孫之後元延祐三年



東廡

先儒周氏名輔成周子敦頤之父明萬歷二十三年從祀

先儒張氏名迪潔居官廉直貧不能歸葬於郟雍正二年

從祀

先儒蔡氏名文節字季通隱居明嘉靖九年從祀先生卒

西廡

先儒程氏名珦字伯溫贈永年伯二程子顥頤之父明嘉靖九年從祀

先儒朱氏名松字喬元歷吏部司勳即中出知饒州二年贈齊國公明嘉靖九年從祀

夔州府志

卷十七

學校

三二

元鮮璫廟學門記廟學三門之制禮經無明文璫嘗踰

巴蜀浮荆襄漢沔適梁宋鄭衛歷趙代晉蒲秦陝之學

周咨弗能得元貞初職教成都視緜州學瓦礫中得宋

故石碑修學門記磨滅殆半而門制可考云古營造法

式以上天帝座前三星曰靈星王者之居象之故以名

門先聖為萬世絕尊古今通祀袞冕南面用王者禮樂

廟門之制悉如之世所謂櫺星及凌霄者承誤也今總

府命大建此門凡柱礎門楸丹雘陞暨石墻陶甃黝堊

之飾俱如法

漢書循吏傳文翁爲蜀郡守修起學官於成都市中招下縣子弟以爲學官弟子爲除更繇高者以補郡縣吏次爲孝弟力田常選學官僮子使在便坐受事每出行縣益從學官諸生明經飭行者與俱使傳教令出入閭閻縣邑吏民見而榮之數年爭欲爲學官弟子富人至出錢以求之繇是大化蜀地學於京師者比齊魯焉至武帝時乃令天下郡國皆立學校官自文翁爲之始云文翁終於蜀吏民爲立祠堂歲時祭祀不絕至今巴蜀好文雅文翁之化也

## 夔州府志

### 卷十七

學校

一三三

明史選舉志郡縣之學洪武二年太祖諭中書省臣曰朕惟治國以教化爲先教化以學校爲本京師雖有太學而天下學校未興宜令郡縣皆立學校延師儒授生徒講論聖道使人日漸月化以復先王之舊於是大建學校府設教授州設學正縣設教諭各一俱設訓導府四州三縣二生員之數府學四十人州縣以次減十師生月廩食米人六斗有司給以魚肉學官月俸有差生員專治一經以禮樂射御書數設科分教務求實才頑不率者黜之十五年頒學規於國子監又頒禁例十二

條於天下鐫立卧碑置明倫堂之左其不遵者以違制  
論

生員雖定數於國初未幾卽命增廣不拘額數宣德中  
定增廣之額在京府學六十人在外府學四十人州縣  
以次減十成化中定衛學之例四衛以上軍生八十人  
三衛以上軍生六十人二衛一衛軍生四十人有司儒  
學軍生二十人土官子弟許入附近儒學無定額增廣  
既多於是初設食廩者謂之廩膳生員增廣者謂之增  
廣生員及其既久人才愈多又於額外增取附於諸生

夔州府志

卷十七

學校

一三四

之末謂之附學生員凡初入學者止謂之附學而廩膳  
增廣以歲科兩試等第高者補充之非廩生久次者不  
得充歲貢也士子未大學者通謂童生當大比之年間  
收一二異敏三場並通者俾與諸生一體入場謂之充  
場儒士中式即爲舉人不中式仍候提學官歲試合格  
乃准入學提學官在任三歲兩試諸生先以六等試諸  
生優劣謂之歲考一等前列者視廩膳生有缺依次充  
補其次補增廣生一二等皆賞給三等如常四等撻責  
五等則廩增遞降一等附生降爲青衣六等黜革繼取

一二等爲科舉生員俾應鄉試謂之科考其充補廩增給賞悉如歲試其等第仍分爲六而大抵多置三等三等不得應鄉試撻黜者僅百一亦可絕無也生員應試每舉人一名以科舉三十名爲率舉人屢廣額科舉之數亦日增及求舉者益衆又往往於定額之外加取以收士心凡督學者類然嘉靖十年常下沙汰生員之令御史楊宜爭之而止神宗時張居正當國遂核減天下生員督學官奉行太過童生入學有一州縣僅錄一人者其科舉減殺可推而知也

夔州府志

卷十七

學校

一三五

生員入學初由巡按御史布政兩司及府州縣官正統元年始特置提學官專使提督學政南北直隸俱御史各省參用副使僉事景泰元年罷提學官天順六年復設各賜敕諭十六條俾奉行之直省既設提學有所轄太廣及地最僻遠歲巡所不能及者乃酌其宜口外及各都司衛所土官以屬分巡道員直隸廬鳳淮揚滁徐和以屬江北巡按湖廣衡永郴以屬湖南道辰靖以屬辰沅道廣東瓊州以屬海南道甘肅衛所以屬巡按御史亦皆專敕行事神宗四十一年南直隸分上下江湖

廣分南北始各增提學一員提學之職專督學校不理刑名所受詞訟重者送按察司輕者發有司直隸則轉送巡按御史督撫巡按及布按二司亦不許侵提學職事也

明初優禮師儒教官擢給事御史諸生歲貢者易得美官然鉗束亦甚謹太祖時教官考滿兼覈其歲貢生員之數後以歲貢爲學校常例二十六年定學官考課法專以科舉爲殿最九年任滿核其中式舉人府九人州六人縣三人者爲最其教官又考通經即與陞遷舉人

夔州府志

卷十七

學校

一三六

少者爲平等即考通經亦不遷舉人至少及全無者爲殿又考不通經則黜降其待教官之嚴如此生員入學十年學無所成者及有大過者俱送部充吏追奪廩糧至正統十四年申明其制而稍更之受贓姦盜冒籍宿娼居喪娶妻妾所犯事理重者直隸發充國子監膳夫各省發充附近儒學膳夫齋夫滿日爲民俱追廩米犯輕充吏者不追廩米其待諸生之嚴又如此然其後教官之黜降生員之充發皆廢格不行即卧碑亦具文矣諸生上者中式次者廩生年久充貢或選拔爲貢生共

累試不第年踰五十願告退閒者給與冠帶仍復其身  
其後有納粟馬捐監之例則諸生又有援例而出學者  
矣提學官歲試校文之外令教官舉諸生行優劣者一  
二人賞黜之以爲勸懲此其大較也

各府州縣入學額例

國朝順治五年定額府學六十名大學四十名中學二十五  
名小學十二名順治十五年定額府學二十名大學十  
五名中學十二名小學八名康熙二十八年定額府學  
二十五名大學二十名中學十六名小學十二名雍正

夔州府志

卷十七

學校

三三七

二年定額人文最盛之地大學照府學中學照大學小  
學照中學

武童歲科並試額取府學二十名大學十五名中學十  
二名小學八名

現設夔州府儒學學署學額

夔州府教授一員 奉節縣教諭一員

巫山縣訓導一員 雲陽縣訓導一員

萬縣訓導一員 開縣教諭一員

大寧縣訓導一員

夔州府學宮

文廟明倫堂併說在內又文廟另詳祠廟明倫堂另詳公署

夔州府儒學在府治東宋慶歷間州判何郟建治平三年轉運判官孔嗣宗重修完整紹興二十四年圯於水遷建舊學北隆興二年知州張震補大晟樂淳熙十年知縣孫必益疏濬泮池明洪武四年知府盛南金重建萬歷元年知府郭棐改建三十八年知府宋鴻儒闢築射圃四十六年訓導楊芳移建尊經閣明末燬國朝康熙二十四年知府吳美秀許嗣印同知王知人黃鵬通判王來賓先後重修

## 夔州府志

### 卷十七

學校

一三八

殿廡門泮坊堂齋牆如制乾隆五年知府崔邑俊修

崇聖祠嘉慶十七年奉節縣知縣蔡星捐貲重修

用銀二千兩

學額初進二十名雍正十三年分撥各縣止取十四名後又分撥石碛止取十名廩生二十名增生二十名二年一貢逢酉科拔貢一名優貢無額

通省共取四名

奉節縣儒學在縣治西北明洪武十四年建天順間知府項倬重修成化十年教諭徐鐸等以人才稀少請省入府學學遂廢

國朝康熙二十四年縣復設嘉慶十年知府周景福改修十

七年知縣蔡星重修用銀千兩道光二年知縣萬承蔭重修

泮池

學額進十二名雍正八年復設大寧縣分撥四名止取

八名廩生十三名增生十三名與大寧縣輪二年一貢

逢酉科拔貢與大寧縣共一名

學地三畝

巫山縣儒學在縣治西北元至正中建明洪武六年重

建明末燬

國朝康熙二十一年知府吳美秀同知王知人通判王來賓

### 夔州府志

### 卷十七

學校

三九

知縣向登元重建

殿廡門泮

崇聖祠名宦祠鄉賢祠聖域賢關門明倫堂忠義祠節孝

祠畢備

學額進八名乾隆間撥石砬一名額取七名廩生二十

名增生二十名二年一貢逢酉科拔貢一名

雲陽縣儒學在縣治東北明洪武中建

國朝康熙二十四年知縣楊天行重建

殿廡戟門靈星門



崇聖祠名宦鄉賢忠義節孝祠明倫堂雍正三年知縣杜苞重修七年知縣殷山增葺

學額進八名撥石砬一名額取七名廩生二十名增生二十名二年一貢逢酉科拔貢一名

學井租半股雍正二年劉訓導分雲安廠太和井涵租以資修補

萬縣儒學在縣治北元時建明洪武十二年知縣桂仲權重建景泰間知縣許斌重修成化間知縣徐熙重修嘉靖間知縣龍雲沈清重修萬歷二年知府郭棐重修

## 夔州府志

### 卷十七

學校

四十

完整明末燬

國朝康熙初創建數楹燼於火甲寅二十二年知縣張永輝重建

殿廡門署後知縣劉乃大重修明倫堂知縣李大魁重修兩廡製樂器祭器如制

學額進八名廩生二十名增生二十名二年一貢逢酉科拔貢一名

開縣儒學在縣城內舊在縣東門外唐元和間刺史韋處厚建明嘉靖六年改建今所萬歷四十四年遷於盛

山西明末圮

國朝康熙六年知縣盧天樞仍建今所吳譚之變復圮康熙二十四年知縣王景舜重建

殿廡門泮如制五十八年知縣郭孝穆增建坊祠後知縣胡邦盛易地增建明倫堂乾隆七年知縣秦有年擴建崇聖祠二十七年教諭黃燦重修嘉慶十七年教諭劉國輔增修

學額進八名廩生二十名增生二十名二年一貢逢酉科拔貢一名

夔州府志

卷十七

學校

四一

大寧縣儒學在縣治西明洪武中建天啟五年知縣漢繼業重建明末燬

國朝康熙六年學裁雍正七年復設八年知縣劉嗣孔重建殿廡門泮坊牆如制乾隆六年知縣李梁園重建二十四年火燬嘉慶十二年知縣郭南英重修十五年訓導段鍾孚重建

學額進四名廩生七名增生七名三年一貢逢酉科拔貢與奉節縣共一名

學田二十二畝

書院

書院之設卽三代黨庠術序之義自唐元和中李寬建石鼓書院宋初賜以額則書院得名之始五代蔣維東隱居衡岳受業者號爲山長南唐昇元中白鹿洞建學館以李道善爲洞主掌其教授造舍聚書博延生徒嗣後胡安定朱紫陽繼起著錄弟子以數千計則書院之極盛也蜀自文翁倡其教相如爲之師受以七經而岷絡之地風教大行人才蔚起班氏謂天下郡國皆立學校官自文翁始然則謂書院之設亦始于蜀無不可也

夔州府志

卷十七

學校

一 下

我

朝文教覃敷英賢接踵各府州縣均設書院師儒習禮秀髦向風家慕淵雲學侔齊魯以仰答棫樸作人之

聖化豈不盛哉

夔州府書院

蓮峯書院在夔州府治後臥龍山麓山西北有蓮花峯故名山麓舊有十賢堂宋知府王十朋建乾隆三十三年知府李復發因雲安書院近市囂塵改建於十賢堂之右規制闕備置買學田店房鹽井歲收租八百八十

餘兩育才甚盛尋李守卒於官乾隆四十一年知府仲純信從紳士請建祠於書院側祀之後知府江權培植學校知府周景福重修書院紳士德之以配享於李公祠人遂稱爲三公祠此地風氣高燥木易冰裂土性鬆滑屋易欹斜又三面阻水潮濕則易生蟲書院不能耐久道光二年奉節令萬承蔭倡捐重脩功未竟四年知府恩成捐銀一千七百餘兩鼎建一新器用俱備十賢堂李公祠皆新之并將李守所置鹽井被竈戶捏報減租者一一清出無敢欺隱焉

夔州府志

卷十七

學校

二 下

李太守蓮峯書院章程碑記

乾隆三十三年捐建蓮峯書院一所契買劉傑楊璵基地二塊共價錢銀壹百兩又買劉亮功冉世周照牆基地二塊共價錢拾壹千貳百文各印契在卷共用工料及製備器具銀壹千叁百貳拾陸兩陸錢零又契買大寧縣龍津廟餘地滷眼修築蓮峰蓮奎蓮院蓮璧四井竈共捐價銀壹千肆百兩每年收租錢捌百千文因滷水稍淡今議減陸拾肆千實收租錢柒百叁拾陸千文議定此後不得再減由縣批解限冬臈兩月收清如逾起

佃另招又大寧縣詳報竈戶沈太和等每年願捐四竈名租錢玖拾陸千文又奉節縣詳報大南門內官房四間每年收租錢叁拾貳千文捌百按百季由該縣典史批解又開縣詳報里民但正任願充田地一分每年收倉斗租穀貳拾貳石捌斗由該學變價批解每石折錢四百文共錢玖千壹百貳拾文又地租錢捌千文每年共收錢拾柒千壹百貳拾文以上各租息每年共收錢捌百捌拾壹千壹百貳拾文實貯府庫支銷每年應納地基糧銀捌錢陸分每年春秋二季致祭十賢堂冰鏡堂先賢

神位暨蓮花池三賢祠製辦羊豕祭品支錢肆千文每年開學致祭先賢照例製辦支錢貳千陸百文每年院長脩脯節儀隨時酌送每年開學額設院長酒一席支錢壹千文諸生飯食每棹支錢伍百文由經歷司領辦委教授監院月送飯資錢貳千文額定肄業生員叁拾名童生十名月給膏火九百文告假按日截支由監院具文申領官課額設官飯一棹支錢壹千文生童飯食隨人多寡每棹支錢五百文由經歷司領辦官課拔取生員首卷賞給花紅銀壹兩其餘至貳等伍名止童生

至三名止給紙筆銀伍錢每年遇修

萬壽宮及書院三賢祠須用工料銀兩隨時核支大門看役壹名內外看司一名每名月支工食錢五百文梘夫一名每月支工食錢五百文院長茶房一名每月支工食錢五百文厨夫一名每月支工食錢壹千文火夫一名每月支工食錢五百文乾隆三十七年壬辰三月知府李復發立自李守後歷任延師束脩膏火每歲貳百陸拾兩由府致送肄業生童每歲正月由府考收錄生員收三十人童生收十人道光四年知府恩成以舊額人

夔州府志

卷十七

學校

四

下

少又無升降不足以示鼓勵乃量爲變通逢科場年分生員於三十人之外多取二十餘名小考年分童生於十人之外多取二十餘名謂之內課均與膏火但以考課之前後定膏火之多寡如考列超特等生童每名給膏火錢玖百文超等皆有獎賞考列壹等生童每名給膏火錢肆百伍拾文每月三課官課初三師課十三二十三一課不到扣十日膏火二課不到扣二十日膏火三課不到除名有未經收錄而考課者列爲外課外課考超等者亦有獎賞無膏火三次考超等者准陞內課

以不到除名之膏火與之現在應課者不下百人  
向來師課皆在書院奉節令萬承蔭以書院既無關防  
又無點心飯食不足鼓勵將師課改在縣署自備點心  
飯食已及一年次年萬令往署西陽州通守李鐸與署  
奉節令張敬書分辨十三在通判署二十三在奉節署  
激勸之道從來未有士子感激無既也

李守所買大寧縣龍津廟鹽井蓮峯蓮奎蓮院蓮璧四  
井每歲收租錢捌百千文以作書院膏火之用又有留  
施濟一井每歲收租錢壹百陸拾千文以作留養局之

夔州府志

卷十七

學校

五

下

用共收租錢玖百陸拾千文從前滷水甚旺嘉慶五六  
年廠被賊擾竈被水冲竈戶因此歷年欠租後賊平竈  
亦修好竈戶劉朝河短價承租每歲只納租錢叁百餘  
十千至前府余永寧富明徐念高三任查出飭加所增  
無幾道光四年書院齋長生員李文榮馮應恒等查知  
稟明恩守另招佃戶現復原額每歲收租錢玖百陸拾  
千文

蓮峯書院復還大寧鹽井納課原額本末備考

道光四年齋長李文榮馮應恒等具稟一案府判云查

龍津廟五竈滷水每月三十四天早經復舊是以札飭該場鹽大使查明加租嗣據具稟有租戶劉朝河愿加租捌百千文當卽批令該租戶赴府具認在案今據租戶馮廷棟等稟稱該處滷水實已復舊情愿照舊額玖百陸拾千文之數認煎並經齋長黎廷珖等出具保狀到府查劉朝河係原租戶前以三百餘十千短價承租多年雖後經疊次加增仍不足數其非從實可知自難令其再租事關書院公費理當覈實辦理當將劉朝河斥退批令馮廷棟照舊額具認租煎嗣後如有更換租

夔州府志

卷十七

學校

六

下

戶均須照此數認煎永以爲例保認各結狀附卷

大寧縣民沈太和等所捐四竈名租中間竈被水冲旋復修好沈氏子孫藉此歷年將租錢隱沒并陰將滷竈出賣經齋長馮應恒等查知以隱瞞官竈等情具稟到府札飭大寧縣知縣柏守貞署大寧場鹽大使府經歷厲德輿查得原日沈太和捐與書院之滷水共二十天竈四座每年租錢九十六千文彼時係與伊弟沈璠公共後分爨沈太和分水十五天竈三座沈璠分水五天灶一座別有田房均配書院捐租係沈太和一人認納



嘉慶五六年教匪滋擾又遭大水竈被冲壞沈太和物故沈氏子孫藉此將租隱沒并將滷水五天出賣於張文魁轉賣與張王會滷水二天半出賣於劉振康轉賣於謝軒萬滷水五天出賣於蕭宗倫轉賣於蕭宗金共去滷水十二天半其餘滷水七天半沈太和之孫沈之翰沈合魁分受未賣屬實并據大寧縣知縣柏守貞將人証解府委署奉節縣張敬書同經歷厲德興查訊□沈氏子孫私賣祖捐公項殊屬不義買戶明知其爲□項胆敢受買亦屬不合均應澈底根究姑念沈氏子□

夔州府志

卷十七

學校

七

下

貧難張王會謝軒萬蕭宗金等係屬輾轉承買從寬不究既往租息但令公同商議賠出書院公項去後旋據齋長黎廷珣馮簡王同聲王士俊張啟智等稟稱張王會首士紀青選情願繳銀貳百兩監生謝軒萬情願繳銀壹百兩蕭宗金之子蕭顯葵情願繳銀貳百兩沈之翰情願繳銀壹百兩沈合魁情願繳銀貳百兩共繳銀捌百兩賠賞書院公項擬欲另制產業又據謝軒萬稟稱伊曾買得周葵滷水五天此時情願賣與書院札飭大寧縣知縣柏守貞查明署奉節縣薛炳勳經歷厲德

輿訊明令謝軒萬同齋長黎廷珖馮簡等立契交價並  
札飭大寧縣稅契撥冊立案其滷水仍係謝軒萬自行  
承租認煎每年納租錢壹百肆拾千文春秋二季赴府  
完納認狀附卷

夔州府義學

義學舊在夔州府試院西乾隆四年知府崔邑俊創建  
名曰文峯書院嘉慶初年署知府嚴士鉉重修十七年  
奉節令蔡星改置文昌宮之右每歲延師脩脯錢壹□  
叁拾陸千文由府致送但屋宇傾圯不堪久住道光□

夔州府志

卷十七

學校

八

下

年郡守恩倡修文昌廟因從紳士請以舊址交入文□  
廟另於文昌廟後捐俸置買韓貴韓天德住屋一所□  
銀貳百肆拾兩又添銀壹百陸拾餘兩將房屋改建□  
新地既宏敞且係通衢童蒙來學者較前更使人皆稱

善買約附卷

嘉慶二十二年奉大憲札飭通省設義倉義學知府楊  
世英捐銀叁千玖百兩發交六屬籌辦義倉義學奉節  
縣領銀捌百兩巫山縣領銀捌百兩雲陽縣領銀伍百  
兩萬縣領銀伍百兩開縣領銀伍百兩大寧縣領銀捌

百兩去後奉節縣義倉係民捐設義學銀捌百兩現存  
歷任作為交代巫山縣銀捌百兩被故令王圻因公挪  
用未能歸欸雲陽縣義倉亦係民捐府捐銀捌百兩另  
設義學八處每年延師脩脯共銀壹百玖拾貳兩萬縣  
銀伍百兩現交當商生息開縣銀伍百兩但置義倉義  
學係臨江市民捐設大寧縣義倉亦係民捐府捐銀亦  
在內又設義學三處詳見倉儲志

夔州府廢書院義學凡九一處竹林書院在夔州府治  
東宋嘉熙中知州孟珙建以襄漢流寓之士夔州堙一  
府曰南陽書院亦珙建不知其處一曰靜暉書院在夔州  
府治後宋知州王珙建題詩見藝文後改為靜暉樓

# 夔州府志

## 卷十七

學校

九

下

一曰夔龍書院在夔州府治後西晉時建今為通判署一祠曰  
仰高書院在奉節縣北本靜暉樓舊址晉階書院在夔州  
府郭棐改建後改崇忠祠今圯一曰晉階書院在夔州  
府城東置田三十餘畝乾隆十年書院遷於城內知此地  
銓重建田三少陵書院舊址康熙四十年書院遷於城內  
改建毛公祠後又遷一毛公祠於書院內此地後遷杜公祠  
晉階書院碑記猶存一曰文峯守蓮峯書院於府治後雲安  
於文昌宮舊舍作李守公既改建蓮峯書院於府治後雲安  
書院本監督衙門守公既改建蓮峯書院於府治後雲安  
舍作為公廨今為經歷司署徐守之碑記猶存

### 奉節縣

附郭向無書院惟有義學

道光四年總督札飭各州縣增設義學奉節令萬承蔭  
集紳少勸諭城鄉遵設義學凡八處萬令通稟有案

敦仁義學在城內仁壽坊

興文義學在城內文德坊

以上二學係邑生員張□黎廷玠黎廷珍潘興嗣劉國棟職員胡珠米盈凝王士俊丁鳳翥貢生費松年等公設

敬梓義學在城內二公館

東來義學在城內府城隍廟

二學係五省客長趙德輝李淮王崇煦朱榮貴李大隆馮昭微等公設

悅安義學在縣南安坪驛 係奉節職員徐明楫捐設

先甲義學在縣南甲高壩 係邑廩生冉崇恭同衆捐設

夔州府志

卷十七

學校

十

下

日新義學在縣南新村壩 係邑增生劉孝達同衆捐設

毓秀義學在縣南任家坪 係邑生員李維玉同衆捐設

五年春萬令委署直隸酉陽州士民續報義學六處署

奉節令張敬書通稟有案

豫興義學在縣南清水塘 係糧民劉富貴劉富文同衆捐設

長興義學在縣南長塆 係職員陳萬金同衆捐設

梅魁義學在縣南梅子關 係邑武生王世祿同衆捐設

道南義學在縣南白廟子 係糧民曾玉文同衆捐設

蓮池義學在縣北松木嶺 係糧民胡盛禮同衆捐設

三餘義學在縣北乾溪口捐係奉節曲廠壩庠地生熊兆去

價銀二百餘兩每年收租穀十六石館設四甲梓潼宮交本邑紳士經理

### 巫山縣

聖泉書院在縣治西北舊名巫峯書院乾隆十五年知縣錢基創建并捐置大寧場井竈以爲延師及生童膏火之費四十三年知縣段玉裁重修以酈氏水經注巫山城東有孔子泉亦曰聖泉改名爲聖泉書院泉在縣西北三百步下入巫溪王十朋集泉旁雖童子亦知書又巫山十二峯其一曰聖泉峯泉所出也道光元年知

## 夔州府志

### 卷十七

學校

十一 下

縣沈鴻逵補修並添建齋舍八間四年知縣楊佩芝捐置講堂几案并諸生桌椅

巫山義學在縣治西北字聖宮

巫山縣續設義學

東鄉太平堡義學一所

南鄉平隴壩義學一所

西鄉上田堡義學一所

北鄉巴霧河義學一所

以上四處道光四年知縣楊佩芝奉文勸士民公設

雲陽縣

雲安書院在城內乾隆二十二年知縣沈瀆改社學爲之建講堂三間書屋六間四十四年知縣嚴作民增修書屋二十間置田產以爲束脩膏火立齋長輪流經管社學二所一在治內一在雲安廠雍正六年知縣殷山於鹽井內斷滷水半股每年令收租以作延師之資城內社學今改爲雲安書院雲安廠社學今廢嘉慶二十四年知縣朱鼎臣添設城鄉義學凡八處延師脩脯共一百九十二兩知縣按節支送內

夔州府志

卷十七

學檢

十二

下

本城東門內義學一處束脩銀二十四兩

西門內義學一處束脩銀二十四兩

南門內義學一處束脩銀二十四兩

東鄉雲安場義學一處束脩銀二十四兩

南鄉盤沱鎮義學一處束脩銀二十四兩

西鄉小江鎮義學一處束脩銀二十四兩

北鄉高陽鎮義學一處束脩銀二十四兩

北鄉路陽壩義學一處束脩銀二十四兩

道光四年署知縣姚光綬奉文於西門老街設立

義學一所

萬縣

鳳山書院在治東關外乾隆初年知縣孫廷錦建并置學田嘉慶十六年庠生杜越捐銀五百兩生息以資膏火道光四年知縣仇如玉補修添置學田廣設膏火閣縣紳士賴勳等公捐銀二千一百餘兩

萬縣廢書院義學凡十一曰集賢書院在東門外嘉靖中知縣歐纂中建今廢一曰義學在治西康熙二十二年劉公書院在學宮左知縣劉乃梁文五建今廢碑跡猶存  
敏貫建今廢一曰義學在治西康熙二十二年劉公書院在學宮左知縣劉乃梁文五建今廢碑跡猶存

# 夔州府志

## 卷十七

學校

十三

下

萬縣續設義學

本城義學一所

上堡義學一所

中堡義學一所

五陵場義學一所

灤渡場義學一所

分水嶺義學一所

佛寺舖義學一所

龍駒壩義學一所

以上八處道光四年知縣仇如玉奉文勸士民公設

按萬縣古有集賢書院南山書院見之文案最易混淆而

開縣

盛山書院舊名芙蕖書院在內城東門之外外城東門之內雍正十二年知縣沈震世捐建又捐置田地二處一坐落宋家嶺載糧一斗六升零一坐落鄭家壩載糧一斗三升零每年收租穀二十八石變價銀二十八兩以供修脯之用乾隆七年知縣秦有年砌以石路嘉慶十年知縣馬鳴鑾捐建奎閣增置學田嘉慶二十五年

夔州府志

卷十七

學校

十四

下

知縣徐久道移建盛山之麓改名曰盛山書院所有舊載學田及新添學田舖房共十五處收租穀六十八石七斗稞錢二百八十三千一百三十六文除解府城蓮峯書院膏火銀十七兩一錢餘作延師脩脯生童膏火獎賞之需

臨江市義學一所

嘉慶二十四年知縣白容華奉文勸設義學倡捐錢二十千有臨江市士民黃賓傳朝陞韋必售傳紹璋羅於惠萬里鵬賀德蔭潘正道傅占魁潘廷璧等十人各捐



錢二十千建立義學一所房屋器具齊全捐錢借放生息每年收息錢三十六千以作延師束脩之用

開縣續設義學

本城東街南街西街義學三所

大池山義學一所

塌坵壩義學一所

九龍山義學一所

活龍礮義學一所

四家壩義學一所

夔州府志

卷十七

學校

十五

下

周家坡義學一所

馬家壩義學一所

馬渡壩義學一所

豐樂壩義學一所

白礮義學一所

溫塘井義學一所

鴉城寨義學一所

古跡廟義學一所

熊家灣義學一所

南門場義學一所

以上十八處道光四年署知縣高學濂勸士民公設  
開縣復設義學

城東城隍廟內後院義學一所

城西川主廟廂房內義學一所

二學每年延師束脩錢各五十千文紳士鄒以楹朱恢  
紳林向璉徐學珠四人管理

江里臨江市川主廟側義學一所每年延師束脩錢五  
十千文紳士蕭天衢溫觀揚二人管理

夔州府志

卷十七

學校

十六

下

江里黃家坪護國菴內義學一所每年延師束脩錢五  
十千文紳士蕭芬韓文翰郭素芳陳聲洪四人管理

江里法戒山卽大池山義學一所每年延師束脩錢五  
十千文紳士朱應武廖先應王廷聘王成魁四人管理

江里竹溪舖川主宮內義學一所每年延師束脩錢五  
十千文紳士張大爲任嘉鋌二人管理

江里鐵鎖橋武廟內義學一所每年延師束脩錢五十  
千文紳士莫若佑賀瑤賀玠三人管理

江東二里交界之大旺山黃柏廟內義學一所每年延

師束脩錢五十千文紳士廖先李一人管理

東里大峒壩東嶽廟內義學一所每年延師束脩錢五

十千文紳士吳必華吳必賢王善福三人管理

東里溫塘井禹王宮內義學一所每年延師束脩錢五

十千文紳士胡洪達彭厚載二人管理

東里榨井壩禹王宮內義學一所每年延師束脩錢五

十千文紳士吳大勳章元亮張翠山三人管理

東里長店玉皇閣內義學一所每年延師束脩錢五十

千文紳士唐國祿侯文彬謝逢春三人管理

夔州府志

卷十七

學校

十七

下

浦里何家壩三星廟內義學一所每年延師束脩錢五

十千文紳士胡經國余成鳳李應文熊化麟四人管理

浦里岳溪場北御都義學一所每年延師束脩錢五十

千文紳士桑苞李焯李翥庭楊發榮黃建中李子貴李

生華七人管理

以上義學十四處道光六年署知縣林丹雲設立林令

倡捐錢二百千文勸捐錢七千一百串零二共收錢七

千二百串零內除羅廷達係捐舖房地基折錢一百八

十千文官買西街舖房去價錢四百九十二千文修補

學舍及置器具用去錢三百一十六千文餘錢六千一百八十千文交各富戶生息每年共收租息錢七百千文足敷十四學束脩之用尚剩錢一百三十三千零撥入盛山書院生息以助膏火之費通詳在案

### 大寧縣

鳳山書院向在魁星閣左側坍塌無存嘉慶十二年知縣郭南英改公廨爲書院捐廉建修率同紳耆捐貲買田房收租以爲延師及生童膏火道光元年河水泛漲入城書院房屋半被冲塌道光四年知縣柏守貞重修

## 夔州府志

### 卷十七

學校

### 十八

下

每年延請山長主講歲送束脩錢一百二十千文齋長一名每月膏火錢一千八百文肄業生員每月膏火錢一千二百文肄業童生每月膏火錢一千文

嘉慶二十二年知縣李嘉祐奉文勸設義學三處

鹽廠義學一所

楊橋壩義學一所

馬鎮壩義學一所

以上三處皆士民自爲經理

大寧縣續設義學

本城義學一所在文昌宮

敬業學舍一所在天林寺官設

鷄頭壩義學一所

古路溝義學一所

兩河口義學一所

西溪河義學一所

湯家壩義學一所

魚渡溪義學一所

白趕場義學一所

夔州府志

卷十七

學校

十九

下

分水河義學一所

以上十處道光四年知縣柏守貞奉文自行捐錢五十千設天林寺一處其餘九處勸士民公設